

Հ. Կառապետյան

ՍԼԵՔՍԱՆԴՐՈՊՈԼԻ 1920 ԹՎԻ ՄԱՅԻՍՅԱՆ ԶԻՆՎԱԾ
ԱՊՍԱՍԲՈՒԹՅԱՆ ՊԱՏՄՈՒԹՅՈՒՆՆԵՐ

Հոկտեմբերյան Սոցիալիստական Մեծ ուղուցիայից հետո, հայ ժողովրդի ամենաոխերիմ թշնամի և դավաճան դաշնակցականները Հայաստանը անջատեցին ուղուցիոն Ռուսաստանից, երկիրը նախ հանձնեցին գերմանա-թուրքական զավթիչներին, իսկ հետո դաշն կնքեցին անգլո-ֆրանսիական իմպերիալիստների հետ։ Նրանք մենշևիկների ու ժուսավաթիստների հետ միասին ամբողջ Անդրկովկասը դարձրին արտաքին ինտերվենցիայի և բուրժուա-սպիտակգվարդիական կոնտրոլուցիայի համար պլացդարմ ընդդեմ Սովետական Ռուսաստանի։

1918—1920 թվականներին Հայաստանը ռորբերի երկիր էր, — ասում է ընկ. Միկոյանը. — արցունքի երկիր, աղքատության ու վայրենի կամայականության երկիր¹։ Աղքատությունն ու սովը, աշխատավորների հարստահարումն ու կեղեքումը, տեռորն ու հալածանքը, արտաքին և ներքին աղ-զամիջյան անընդհատ շարունակվող պատերազմներն ու չարդերը, երկրի ամբողջ էկոնոմիկայի արագ փլուզումը՝ Հայաստանի աշխատավոր ժողովրդին տանում էին դեպի ֆիզիկական կատարյալ ընաջնջում, դեպի կործանում։

Այդ տարիներին՝ չնայած դաժանությանը ճնշվում էին Հայաստանի բանվորների, զինվորների և աշխատավոր գյուղացիների ելույթները դաշնակների տիրապետության ու ունևոր դասակարգերի դեմ, սակայն այդ ելույթները երբեք չէին դադարում։ Ժողովրդի լայն խավերի ուղուցիոն-նացումը հետզհետե խորանում և լայն չափեր էր ընդունում։

Դաշնակների դեմ սղվող պայքարում զորանում և ամրանում էր բուշևիկների պարտիան, որը արդեն խոր արմատներ էր գցել մասսաների լայն շերտերի մեջ ամբողջ Հայաստանում։

Հայ աշխատավոր ժողովուրդը քաշ գիտակցում էր, որ ինքը անխուսափելի կործանումից կարող էր փրկվել միայն ուս ուղուցիոն մեծ ժողովրդի օգնությամբ, ուստի նա պայքարում էր վերականգնել նրա հետ իր եղբայրական դարավոր համագործակցությունն ու կապերը։ Իսկ այդ նպատակին հասնելու համար անհրաժեշտ էր տապալել Անտանտի վասալ դաշնակների տիրապետությունը։

Ահա թե ինչու Կարմիր Բանակի աննախընթաց հաղթանակները և նրա մուտքը Անդրկովկաս, ուղուցիոն պայքարի վճռական թափ հաղորդեցին Հայաստանի աշխատավորներին, որն իր ուժեղ արտահայտությունն ունեցավ մայիսյան մասսայական ցույցերի ժամանակ և նրանից հետո։

¹ «Սովետական Հայաստան», 1937 թ., № 283։

Մայիսմեկյան մարտական ցույցերը ամենուրեք անցան բոլշևիկյան լողունգներով և ցույց տվին, որ բոլշևիկյան պարտիայի ազդեցությունը չտեսնված բարձրության էր հասել Հայաստանի բանվորների և դուռնացիների լայն զանգվածների մեջ:

«Մայիսմեկյան ցույցերի հաջողությունն ամենուրեք ակնհայտորեն ցույց տվեց,—ասվում է Երկրային Կոմիտեին ուղարկած Արմենկոմի գեկուցագրում,—թե որպիսի խոր արժատնիք է ձգել կուսակցությունը լայն մասսաների, այդ թվում նաև գինվորական մասսաների մեջ: Եղել էին տեղեր, որտեղ ազգաբնակչությունը և զորքը բացառապես մեր դրոշակի տակ էին հավաքվել (Ղարաքիլիսա, Սարիղամիշ)»:¹

Այդ օրերին ավելի բացարձակ, ավելի մասսայաբար դրսևորվեց աշխատավորների վճռականությունն ու պատրաստակամությունը պայքարելու դաշնականների տիրապետության դեմ:

Մայիսյան ցույցերը ապացուցեցին, որ դաշնականների տիրապետությունը խարխված է, որ բանվորները, աշխատավոր դուռնացիները և գինվորները դաշնակցության նկատմամբ լցված են ատելությամբ և զնում են բոլշևիկների հետևից, իսկ օրվա բոլշևիկյան լողունգները արտահայտում են աշխատավորների ցանկությունները: Եվ որ աշխատավորների հիմնական մասը պատրաստ է պայքարելու դաշնականների հակաժողովրդական տիրապետությունը տապալելու և սովետական կարգեր հաստատելու համար: Ակնհերձ էր, որ ապստամբության տրամադրությունը համակել էր մասսաներին:

Այս բոլորը կատարյալ շփոթություն էր առաջացրել դաշնականների և մյուս կոնտրոկոլոցիոն պարտիաների շարքերում: Այդ հաստատում են հենց իրենք՝ դաշնակցականները: «Հայաստանի բոլոր կողմերից հասնող հեռագրերը խոսվությունների և ապստամբությունների մասին,—խոստովանում է դաշնակ Վրացյանը,—... շփոթեցրին Երևանի ղեկավար շրջանները: Ակնհերձ էր, որ կառավարական մեքենան պատրաստ չէր բռնկված հրդեհը մարելու»:²

Մայիսյան առաջին օրերի ախ խուճապից ուշքի դալով, կոնտրոկոլոցիան դաշնականների գլխավորությամբ սկսում է ուժերի մոբիլիզացումը ընդդեմ Հայաստանի ռեկոլուցիոն աշխատավորների: Ուստիսյանի կարծիքով փոխարինվում է «բյուրո» կառավարությամբ, որը գլխավորվում էր դաշնակ Հ. Օհանջանյանի կողմից, նրան տրվում են արտակարգ լիազորություններ: Պառլամենտը արձակվում է և երկրում ստեղծվում է դաշնականների այսպես կոչված «Արևելյան բյուրոյի» դիկտատուրան: Հայաստանում հայտարարվում է ռազմական դրություն, կազմակերպվում են արտակարգ դատարաններ, հատուկ լիազորներ են ուղարկվում գավառները տեղերում ժողովրդական ելույթները ճնշելու համար: Դաշնականներն սկսում են կազմակերպել կամավորական խմբեր՝ Ալեքսանդրոպոլ ուղարկելու համար: Եվ որովհետև թշնամին այստեղից էր սպասում առաջին հարվածը, ուստի նա նպատակ է դնում սկզբից ևեթ խեղդել Ալեքսանդրոպոլի ապստամբական ուժը:

¹ ՀԿ(բ)Պ ԿԿ-ին կից ՊԱ, ֆ. 30, դ. 7, էջ 48—49.

² Ս. Վրացյան, —Հայաստանի հանրապետությունը, Փարիզ, 1928 թ., էջ 359—360.

Իրադրութեան այսպիսի լարված պայմաններում Արմենկոմի սխալը մեր կարծիքով հղավ այն, որ նա ժամանակին ակտիվ դործողություններ չգիմեց և չստեղծեց ռադսակաս կենտրոն:

Մայիսմեկյան ցույցերը ավելի լարված քաղաքական մթնոլորտում ընթացան Ալեքսանդրոպոլում: Բոլշևիկյան դրոշների տակ ցույցին մասնակցող մի քանի հազար աշխատավորներ և զինվորներ բուռն համակրանք արտահայտեցին դեպի բոլշևիկյան պարտիան: Այստեղ մասսաները ցայտուն կերպով դրսևորեցին իրենց ցանկությունը և պատրաստակամությունը՝ երկրում սովետական իշխանություն հաստատելու մասին: Դաշնակները ցույցերի ժամանակ կատարյալ պարտություն կրեցին, ցույցի ղեկավարությունը՝ ամբողջովին բոլշևիկները իրենց ձեռքը վերցրին և այդ բոլորը դաշնակներին սարսափեցնում էր:

Ռևոլյուցիոն մասսաների կազմակերպվածությունը թուլացնելու և նրա ուժերի արագ համախմբումը կասեցնելու նպատակով դաշնակցականները որոշում են ղլխատել շարժումը՝ մեկուսացնելով նրա ղեկավարներին: Դադաքային իշխանությունը որոշում է մայիսի 2-ի գիշերը ձերբակալել քաղաքի ակտիվ կոմունիստներին, սակայն այդ ծրագիրը ձախողվում է, կոմունիստները՝ խուսափելով ձերբակալություններից, կենտրոնանում են երկաթուղային կայարանում, որտեղ նրանք իրենց ապահով էին զգում:

Դաշնակները փորձում են ձերբակալել «Վարդան զորավար» զրահագնացքի հրամանատար կապիտան Մուսայելյանին, որը զրահապատի անձնակազմի գլուխն անցած, Ալեքսանդրոպոլի բոլշևիկյան կազմակերպության հետ միասին պայքարում էր դաշնակների դեմ:

ՌՍԾՍՌ Հայաստանի լիազոր ներկայացուցչության ինֆորմացիոն բյուրետենում տպագրված մի զեկուցման մեջ այդ մասին ասված է.

«Մի խումբ միլիցիոներներ, թվով հինգ հզգի, մտան զրահապատ զնացքը, պահանջելով զնացքի պետ կապիտան Մուսայելյանից հետեւել իրենց՝ միլիցիայի շտաբը. բայց նա մերժեց սպառնալով նրանց՝ ռմբակոծել քաղաքը... և նրանք իրենց կաշվից վախենալով, առանց միջադեպի հեռացան...»

Վերոհիշյալ անձինք կրկին անգամ փորձեցին ձերբակալել կապիտան Մուսայելյանին, սակայն ապարդյուն¹:

Այդ ահաբեկման մասին ավելի ուշագրավ տողեր է դրել ինքը՝ Մուսայելյանը, Երևանի բանտից ՌԿ(Բ)Պ Երկրային Կոմիտեին ուղարկած զեկուցագրում: Այդ զեկուցագրից պարզվում է, որ դաշնակցական կառավարության գործակալները մայիսի 1-ից հետո խիստ կերպով հետապնդում էին Ալեքսանդրոպոլի բոլշևիկյան կազմակերպության ակտիվ անգամներին և այդ թվում իրեն՝ Մուսայելյանին՝ նրանց կալանավորելու նպատակով: Երևանի կառավարությունը կարգադրում է կապիտան Մուսայելյանին զրահագնացքով ներկայանալ Երևան, նրան կալանավորելու և զրահապատը խլելու նպատակով: Մուսայելյանը մերժում է առաջարկը: Դաշնակները որոշում են Մուսայելյանին վերացնել մեջտեղից, պայթեցնել զրահապատը, սակայն նրանց այս մտադրությունն էլ ձախողվում է:

¹ ՀԿ(Բ)Պ ԿԿ.Ին ԿԻց ՊԱ. ֆ. 30, Գ. 8, էջ 15—18.

² Նույն տեղում, էջ 122—128.

Հիշված զեկուցագրում Մուսայելյանը գրում է, որ սկսված տեռորի հետևանքով ակտիվ բոլշևիկները ապաստան էին գտել կայարանում: Բանվորների նկատմամբ դաշնականների կողմից կիրառվող հալածանքները և սանձարձակությունները ստեղծել էին լարված դրություն:

Երկաթուղապետը բանվորների վերաբերմամբ, — գրում է Մուսայելյանը, — դաշնականների կողմից տեղի էին ունենում կաժայականություն, անկարգություններ և սանձարձակություններ: Բանվորների և զինվորների դժգոհությունը հետզհետե աճում էր: Այդ կացությունը երկար տևել չէր կարող»¹

Մայիսի 2-ից սկսած երկաթուղային կայարանի սահմաններում դաշնականները փաստորեն զրկվել էին իշխանությունից: Այստեղ նրանք քիչ էին երևում: Զրահապատ գնացքը խիստ կերպով պաշտպանվում էր գնացքի անձնակազմի և բանվորների կողմից:

Մուսայելյանի կարգադրությամբ Ղաժարլուից զրահավորված պլատֆորմով Ալեքսանդրոպոլ է մեկնում «Վարդան զորավար» զրահագնացքի անձնակազմի մնացած մասն էլ:

Այսպիսով, Մուսայելյանը իր բոլոր ուժերը կենտրոնացնում է Ալեքսանդրոպոլում և նախապատրաստվում է ապստամբության օգնելու:

«Վարդան զորավար» զրահագնացքը փաստորեն դառնում է ըմբոստացած բանվորների և զինվորների շտաբը, ուր շուրջն են համախմբվում Ալեքսանդրոպոլի ռևոլուցիոն ուժերը և սպասում ակտիվ գործողությունների ազդանշանի: Դադաքի կայազորի զինվորներն էլ սերտ կապ են պահպանում զրահագնացքի հետ և ապստամբության նախապատրաստման հրահանգներ ստանում նրանից:

Մուսայելյանը իր հիշված զեկուցագրում ասում է.

«Հետևյալ օրը (խոսքը մայիսի 2-ի մասին է — Հ.Կ.) կայազորի բոլոր մասերը սկսեցին ինձ պատվիրակներ ուղարկել: Ես մեծ ոգևորությամբ ձեռնամուխ եղա նրանց կազմակերպելու և մի քանի օրվա ընթացքում հաջողեցրի կատարելապես կարգապահ մի կարմիր Բանակ կազմակերպել»²

Ապստամբությունը Ալեքսանդրոպոլում արագորեն հասունանում և անխուսափելի էր դառնում: Դաշնականները ուզում են կասեցնել ռևոլուցիոն ուժերի արագ կազմակերպումը, և որովհետև չեն կարողանում այդ անել, ուստի դիմում են խորամանկությունների և պրովոկացիաների: Փորձում են կտրել մասսաներից ղեկավարներին, մասնավորապես Մուսայելյանին:

Կառավարությունը ներկայացուցիչներ է ուղարկում Մուսայելյանի մոտ նրան համոզելու, որ նա հեռանա ռևոլուցիոն մասսաներից, բոլշևիկյան պարտիայից: Այս փորձերն էլ անցնում են ապարդյուն: Նույնպիսի փորձ են անում դաշնականները Մուսայելյանի նկատմամբ նաև իշխանությունը գրավելու օրը՝ մայիսի 10-ին, այս անգամ էլ դաշնականները կտրուկ մերժում են ստանում:

Դաշնականների նողկալի քաղաքականությունը չէր սահմանափակվում ապստամբության ղեկավարությունը գլխատելու ծրագրով: Համոզվելով այն

¹ ՀԿ(Բ)Պ ԿԿ-ի ԿԻց ՊԱ. Ֆ. 30, գ. 6, էջ 122—129:

² Նույն տեղում:

բանում, որ չեն կարող բացարձակ կովի դուրս դալ բանվորների, զինվորների և մյուս աշխատավորների դեմ, դաշնակները փորձում են պրովոկացիայի միջոցով քայքայել ուղուցիոն ուժը: Այդ նպատակով կազմակերպում են պետական պահեստների թալան, մթերքները բաժանում են սպեկուլանտներին և դաշնակ թափփուկներին: Ամերիկյան կոմիտեն դադարեցնում է իր գործունեությունը և որոշում է հեռանալ Ալեքսանդրոպոլից, և այլն: Այս բոլորը արվում էր այն նպատակով, որպեսզի դժգոհություն սերմանվի քաղաքի աշխատավորության մեջ, խուճապ առաջանա և այդ վերադրվի բուլճերիկների և ուղուցիոն մասսաների հանդեպ կռավարության բռնած գիրքին: Սրբիով պարենային ծանր դրությունը՝ դաշնակները ցանկանում էին այն օգտագործել հասունացող ապստամբության դեմ:

Հաշվի առնելով դաշնակների ձեռնարկած տեղորոշական և պրովոկացիոն միջոցառումները ընդդեմ ուղուցիոն բանվորների և գյուղացիների, ընդդեմ բուլճերիկյան կազմակերպության և զրահագնացքի անձնակազմի, անձամբ Մուսայելյանի, զրահագնացքի հրամանատարությունը և բուլճերիկյան կազմակերպության ղեկավարությունը մայիսի 2-ից իրենց ուժերը կենտրոնացնում են և համարում պատերազմական դրության մեջ:

Այդ մասին կապիտան Մուսայելյանը իր վերևում հիշված զեկուցագրում գրում է.

«Ես այդ բոլորի մասին նախազգուշացված լինելով, արտակարգ պատերազմական միջոցներ ձեռք առա և դեպքերի ընթացքով իսկ դաշնակ կռավարության հանդեպ կանգնեցի պատերազմական դրություն վրա»¹:

Մայիսի 4-ից սկսած երկաթուղային կայարանը և նրա շրջակայքը փաստորեն կոմունիստների ձեռքումն էր: Կաղաքի ամբողջ կայազորը, բացի սպայական կազմի որոշ մասից, կողմնորոշվել էր դեպի ապստամբությունը:

Կայազորի զինվորների ուղուցիոն տրամադրությունների և Սովետական իշխանության համար պայքարելու նրանց պատրաստականության մասին խոստովանում էր ինքը՝ թշնամին: Ալեքսանդրոպոլ ուղարկված կռավարական «հատուկ հանձնաժողովի» անդամ գնդապետ Ա. Շահմաղյանը, ապստամբությունից մի քանի օր հետո «Հառաջի» թղթակցին հետևյալն է հաղորդել:

«Մայիսի 8-ին գնացինք Բերդ. այնտեղ էին զրահապատ գնացքից եկած զինվորա-հեռափոխական կոմիտեի անդամներից շատերը: Ձուգեցինք ճառեր խոսել, միտինգի բնավորություն չտալու համար, այլ երկու խմբի բաժանված՝ մի կողմը ես, մյուս կողմը Մասունին, խոսեցնել էինք ուզում զինվորներին:—Ո՛հ, մի պատասխան չենք տալու ձեր հարցերին, քանի դեռ մենք է ներկա կռավարությունը: Երկու տարի է մենք պահանջներ ենք ներկայացնում շարունակ և այդքան ժամանակամիջոցում մեր պահանջներից ոչ մեկը չի բավարարված: Մենք ձեզ չինք ուզում լսել, մենք ուզում ենք լսել մեր զինվոր ընկերներին: Այդ աղաղակից հետո մի զինվոր բարձրացավ մի բարձր

¹ ՀՀ(Բ) Գ Կ ԳԱ, ֆ. 30, Գ. 6, էջ 122—123:

տեղ և «կեց խոսել: Այդ իրառնակ խոսակցությունը մի վայրկյանում միտինգի վերածվեց: Նկատելի էր խիստ կարգապահություն: Խոսողը դրվածաց բոլորից սպասվող բոլոր բարեքները և այդ բոլորի մեջ նրանից սպասվող համաշխարհային խաղաղությունը:— Մենք կարող ենք խաղաղություն բերել բոլորին, ինչպես և հայ ժողովրդին: Այդ խոսքերի վրա՝ կեցցե Սովետական Իշխանությունը, կորչի դաշնակցությունը— աղաղակը թնդացրեց օդը...»¹:

Այսպիսով, բանակի զինվորները պատրաստ էին կռվել դաշնականների դեմ հանուն սովետական կարգերի:

Ապստամբության կողմն էր նաև քաղաքի միլիցիայի կազմը, որը մայիսի 9-ին պատրաստակամություն հայտնեց իր ուժերը ամբողջովին դնելու Ռազմա-ոստիոցիոն Կոմիտեի տրամադրության տակ:

Բանվորները սկսում են զինվել: Կազմակերպվում է բանվորական զվարդիա:

Բերված փաստերը ցույց են տալիս, որ կոմունիստների դրոշի տակ էր Ալեքսանդրոպոլի ողջ բանվորությունը, քաղաքի ամբողջ կայազորը՝ իր հրամանատար գեներալ Խաչատուրովի հետ միասին: Կայազորի ավանգարդում էին հեծյալ Կենդին իրենց հրամանատարական կազմով, որոնց ներկայացուցիչները արդեն իրենց հավատարմությունն էին հայտնել առաջին իսկ պահանջի դեպքում կրծքով պաշտպանել Սովետական Իշխանությունը: Մայիսի 6-ից քաղաքի և նրա շրջակայքի հսկողությունը հեծգնդերը իրենց ձեռքն էին վերցրել:

Կազմավորված տեղի ունեցած դեպքերը արձագանք են գտնում շրջապատի գյուղերում, ամենից առաջ Կավթաուռի շրջանում, որտեղ աշխատավորները, հետևելով բանվորներին և զինվորներին, կոմունիստների դեկավարությունը, նախապատրաստվում էին զարգացող դեպքերը կազմ ու պատրաստ զինավորելու համար:

Հաշվի առնելով այս բոլորը, Ալեքսանդրոպոլի կազմակերպության ղեկավարությունը և զրահապատի ղեկավարությունը որոշում են զրավել իշխանությունը: Նրանք այն կարծիքին էին, որ իշխանության զրավման համար անհրաժեշտ նախապայմաններ արդեն կան, միայն բացակայում է Հայաստանի կոմունիստական պարտիայի կենտրոնի՝ Արմենկոմի սանկցիան: Մայիսի 3-ին, 5-ին և 6-ին Արմենկոմին ուղարկված նամակներով Ալեքսանդրոպոլի կազմակերպությունը ապստամբության սանկցիա է պահանջում:

Արմենկոմը սանկցիա չի տալիս: Ի՞ր այդ դիրքը նա պատճառաբանում է նրանով, որ ալեքսանդրոպոլիցիները պատրաստ չեն իշխանությունը զրավելու և այն իրենց ձեռքում պահելու, ինչպես նաև նրանով, որ Հայաստանի մյուս շրջանների ելույթների հետ չհամաձայնեցված գործողությունների հետևանքով անխուսափելիորեն ուժերը կջլատվեն:

Առարկելով Ալեքսանդրոպոլի կազմակերպության կոմիտեի հավաստիացումներին, Արմենկոմը նրկբային Կոմիտեին ուղարկած իր գեկուցապրում ասում է.

«...Մենք հավատացած էինք, որ այդ բոլորը չափազանցված է...»

¹ «Հառաջ», 1930 թ. մայիս, № 105:

Դեռ ավելին, մենք հավատացած էինք, որ նրանց (ալեքսանդրոպոլի-
յիներին—Ն.Կ.) հաջողությունը չի կարող կայուն լինել, որ անհրա-
ժեշտ է ամենուրեք համաձայնեցնել մեր գործողությունները, քանի
որ անջատ ելույթները փոշիացման և պարտության կհասցնեն, որ
անհրաժեշտ է ընդունել շրջանների հետ կապ հաստատել և այլն¹։

Այնուհետև՝ հաշվի առնելով Ղաղախի (Իջևանի) Սովետական Ազդե-
քանին սահմանամերձ լինելու հանգամանքը և Կարմիր Բանակի կողմից
սպասվող օգնության անհրաժեշտությունը, Արմենկոմը որոշել էր, որ
ապստամբություն սկսելու ազգանշան տվողը լինի Ղաղախը։

Կասկածից դուրս է, որ ապստամբության արագ և վերջնական հա-
թանակը Հայաստանում, պահանջում էր, եթե ոչ ամբողջ, գոնե հիմնական
շրջանների ապստամբական ուժերի գործողությունների միասնություն.
որն ստեղծելու համար Արմենկոմը ժամանակին չցուցաբերեց պահանջվե-
լիք օպերատիվություն և ձեռներեցություն։ Նա դանդաղեց ապստամբա-
կան գործողությունների ղեկավարման նախաձեռնությունը իր ձեռքը
վերցնելու գործում։ Արմենկոմը մինչև մայիսի 6—7-ը փաստորեն վարա-
ման մեջ էր և վճռական քայլեր չէր անում ապստամբության նախապատ-
րաստումը զլխավորելու համար։

Ալեքսանդրոպոլի կազմակերպության պահանջով և նրա մշտան տակ,
մայիսի 6-ին Արմենկոմը Ալեքսանդրոպոլ է ուղարկում իր ներկայացու-
ցիչներին, լայն լիազորություններ տալով նրանց և պարտավորեցնելով,
«որ եթե չի կարելի կասեցնել ապստամբությունը, որ անհրաժեշտորեն պետք
էր անել, ապա միաժամանակ կապվել Ղարաբաղիստյի շրջանների, Չեզոք
գոտու և հարակից շրջանների հետ»։

Այս այս դիրեկտիվներով Արմենկոմի ներկայացուցիչները մասնակ-
ցում են Ալեքսանդրոպոլի կազմակերպության ակտիվի մայիսի 7-ի նիս-
տին, որտեղ բազմակողմանիորեն քննության է առնվում ստեղծված զրու-
թյունը, իշխանության գրավման հետ կապված ղեկավարությունները և որո-
շում են սկսել ապստամբությունը, Նիստին մասնակցում էին նաև Կաթոլիկ²,
Ղ. Ղուկասյանը, Սարիղամիշից՝ Ա. Ճուղուրյանը և ուրիշները, որոնք ղի-
րեկտիվ են ստանում՝ ապստամբության համար անմիջական ձեռնարկում-
ների դիմելու մասին։ Կազմվում է Հայաստանի ռազմա-ոսկուցիոն կոմի-
տե, նշվում է նաև Դիլիջանի և Կարսի ռազմա-ոսկուցիոն կոմիտեների
կազմը։ Առանձնացվում է կառավարության կազմ, կատարվում են մի քանի
աշխատողների նշանակումներ պատասխանատու պոստերում, մշակվում է
գործողությունների պլան, ըստ որի պետք է ապստամբին նաև Կարսը,
Սարիղամիշը, Լոռին և Ղաղախը, Ռազմա-ոսկուցիոն Գոմիտեի հատուկ
հրահանգից հետո։

Այսպես, Ալեքսանդրոպոլում կազմված Հայաստանի Ռազմա-ոսկուց-
ցիոն Կոմիտեն մայիսյան ապստամբության նախաձեռնությունը և ղեկա-
վարությունը իր ձեռքն է վերցնում։

Մինչև մայիսի 10-ը, ապստամբության օրը, Ալեքսանդրոպոլում փաս-
տորեն ստեղծվել էր երկիշխանություն։ Իշխանությունը դեռևս լրիվ չափով

¹ ՀԿ(Բ)Պ ԿԿ ին ԿԻԾ ՊԱ, ֆ. 30, գ. 7, էջ 80.

² Նույնը, էջ 83.

ապստամբների ձեռքում չէր գտնվում: Չնայած դաշնակները մայիսի 5-ից արդեն դադարել էին դրության տերը լինելուց, բայց քաղաքում դեռ դաշնակների պետական մարմինները իրենց գոյությունը պահպանում էին:

Մայիսի 3-ին դաշնակցական կառավարութայունը առաջարկում է Մուսայելյանին՝ դրահապատով ներկայանալ Երևան, «մի ինչ որ օպերացիայի համար», բայց Մուսայելյանը կարականապես հրաժարվում է ասելով, թե նա կառավարութայունը չի ենթարկվում:¹

Մայիսի 6-ին ենթասպա Եվանգուելովի Ալեքսանդրոպոլ մեկնելուց հետո, գեներալ Շելկովնիկովը նրան առաջարկում է անմիջապես վերադառնալ ռազմաճակատ, այսինքն՝ Ղամարլու: Այդ առաջարկին Եվանգուելովը պատասխանում է, թե «Ալեքսանդրոպոլ է եկել Ռուսաստանի Կոմունիստական Կուսակցութայան հրամանով: Ալեքսանդրոպոլում կարգ հաստատելուց հետո անմիջապես կմեկնի ռազմաճակատ»:²

Ղամարլույում կանգնած «Ազատամարտ» զրահապատի հրամանատարին Մուսայելյանի կողմից արված առաջարկութայունը՝ ապստամբութայունը միանալու մասին, նույն հրամանատարի կողմից մերժվում է: Վերջինս այդ մասին հայանում է կառավարութայունը, որից հետո զրահապատի անձնակազմի մեջ լարված դրություն է ստեղծվում: Չնայած զրահապատի հրամանատարութայան այս դիրքին, նրա անձնակազմը հիմնականում ապստամբ «Վարդան գորավարի» կողմն էր: Հաշվի առնելով «Ազատամարտ» զրահապատի անձնակազմի տրամադրութայունները, որի վրա բոլշևիկները մեծ ազդեցութայուն ունեին, կառավարութայունը որոշում է կտրուկ միջոցներ ձեռք առնել զրահապատի անձնակազմի դեմ, եթե վերջինս ակտիվ գործողութայունների դիմի, կանգ չառնելով այդ անձնակազմի ոչնչացման առաջ, եթե այդ անհրաժեշտ լինի:³

Մայիսի 8-ին դաշնակցականները Ալեքսանդրոպոլում կազմակերպում են միտինգ և հավաքված առևտրականներին, շովինիստական ու մաոզերիստական տարրերին հրահրում են հարձակում գործելու երկաթուղային կայարանի վրա՝ ապստամբ զրահապատը գրավելու համար: Ամբոխը շարժվում է դեպի կայարան և հավաքվում է այսպես կոչված դեզերտիրսկի քաղաքում: Այդ տեսնելով, բանվորները խմբվում են զրահապատի շուրջը և երգում Բնտերնացիոնալի 'Իաշնակցականները ուժ գործադրելու մտքից հրաժարվում են: Ամբոխից առանձնանում է մի խումբ զրահապատի հրամանատարի հետ բանակցելու համար: Մուսայելյանը նրանց չի ընդունում, պահանջելով անմիջապես հեռանալ կայարանից: Ամբոխը դաշնակցականների գլխավորութայամբ, առանց որևէ հաջողութայան, գլխիկոր հեռանում է կայարանից: Նույն օրը կառավարութայան հրահանգով Ալեքսանդրոպոլ եկած հանձնաժողովը փորձ է անում համոզել Մուսայելյանին՝ ենթարկվելու կառավարութայունը, սակայն զուր բն անցնում նաև այս փորձերը: Մուսայելյանը իր դրահագնացքի անձնակազմով անվերապահորեն կանգնած էր Հայաստանում սովետական իշխանութայուն հաստատելու տեսակետի վրա: Նա այդ համարում էր հայ ժողովրդի փրկութայան միակ ելքը: Հանձ-

¹ ՀԿ(Բ)Պ ԿԿ-ին ԿԻԾ ՊԱ. ֆ. 30, ց. էջ 16.

² ԱԳԱ Արմ. ՇՇԿ, ֆ. 88/200, ձ. 842, ցր. 4—7.

³ Նույնը, ձ. 772, ցր. 7.

նաժողովը, դրանից հետո այցելում է բերդը՝ կայազորի զինվորներին և սպայական կազմին համոզելու, որ անցնեն կառավարության կողմը, բայց այդտեղ նույնպես նա ոչ մի դրական արդյունքի չի հասնում: Ընդհակառակը, նա համոզվում է, որ զինվորները պարաստ են դաշնակների տիրապետությունը տապալելու, նրանց վերջին խոսքն է եղել «կորչեն դաշնակցականները, կեցցե Սովետական իշխանությունը»:

Մայիսի 9-ին զրահապատի վրա ծածանվում էր կարմիր դրոշմ: Կայարան են հավաքվում բանվորների խմբերը, կայազորի զինվորները և միլիցիան: Տեղի է ունենում միտինգ, որը տապալված է հայտարարում դաշնակների տիրապետությունը և Հայաստանը հայտարարում Սովետական: Նույն օրը փոքրաթիվ զինված ուժով Ռեկովը փորձ է անում տիրել Գաղաչի պոստին, այստեղ կենտրոնացած պահեստները թալանից փրկելու նպատակով:

Մայիսի 10-ին, առավոտյան, Ռազմա-ուսուցիչին Կոմիտեն վերջնադիր է ներկայացնում Ալեքսանդրովի քաղաքային վարչությանը՝ մինչև ժամը 4-ը քաղաքը առանց դիմադրության հանձնելու մասին: Ռազմա-ուսուցիչին Կոմիտեի այդ առավոտ հրատարակած հայտարարության մեջ ասված է.

«...Չքաղաքացիության, բանվորների և Կարմիր գործի կամքով Հայաստանի կոմունիստական կուսակցության Ռազմա-հեղափոխական Կոմիտեն Հայաստանի ռեսպուբլիկայի մեջ հռչակում է սովետական իշխանություն: Այս օրվանից մառզերիդմի, խմբապետների, սպեկուլանտների վրա հենված և բռնության, կողոպուտի ինքնիշխանության վրա հիմնված դաշնակների կառավարությունը տապալված է: Ռազմա-հեղափոխական Կոմիտեն կոչ է անում երկրի ազդեցունակչությանը պահպանել հեղափոխական դիսցիպլինա և կարգ, ստեղծագործական աշխատանքի խանգարման ամեն մի փորձ կխեղդվի իր բնում խորհրդային Հայաստանի կարմիր գործերի կողմից»¹

Այնուհետև, նույն հայտարարության մեջ, քաղաքում նորմալ դրություն ստեղծելու խնդրին նվիրված ութ կետերում Ռեկովը սահմանում է պատերազմական ժամանակի մի շարք միջոցառումներ ու հասարակական և պետական հիմնարկների անարյուն անցումը սովետական իշխանության ձեռքը ապահովելու համար ...որպես պատանդ՝ պահանջում է իր մոտ մի շարք դաշնակցական գործիչների:

Քաղաքը առանց դիմադրության հանձնելու մասին քաղաքային վարչությանը ներկայացված վերջնագրի պատասխանը Ռեկովը սպասում էր մինչև ժամը 4-ը, նախազգուշացնելով, որ «հակառակ դեպքում նա (քաղաքը—Հ.Կ) կենթարկվի ուժեղացման»²:

Քաղաքային վարչությունը այս ու այն պատրվակի տակ, հետաձգում է իր պատասխանը,³ և որոշ ձգձգումներից հետո հայտնում է, որ վարչությունը լիազորված չէ կատարելու Ռազմա-ուսուցիչին Կոմիտեի

¹ ՀՍՍՌ Գիտ. Ակադեմիա, Պատմության ինստիտուտի արխիվ, գ. 103, թերթ 170:

² Նույն տեղում:

³ ՀԿ(Բ) Գ ԿԿ ին կից Պարտ. արխիվ, ֆ. 30, գ. 6, էջ 18—19:

Նույն տեղում:

պահանջը՝ Մինչ այդ քաղաքը շրջապատվում է կայտզորի զորամասերով։ Օրվա ընթացքում առանց դիմադրության դուրսը գրավում է Կաղաչի պոստը։ Քաղաքը հանձնելու վերաբերյալ քաղաքային վարչության բացասական պատասխանից հետո, Ռեկոմը զինված ուժին հրաման է տալիս մտնել քաղաքը։

Ռեզիմա-ռեզիդենտը Կոմիտեն մայիսի 10-ին մի կոչով դիմում է քաղաքացիներին, որի մեջ ասված է.

«Ընկերներ ե քաղաքացիներ.

Դաշնակցական հակահեղափոխական կառավարության օրերը հաշվված են։ Կարմիր դուքերը և բանվորությունը արդեն գրավել են Կարսը և Ալեքսանդրոպոլը, պահանջելով դավաճան կառավարությունից հանձնել իշխանությունը հեղափոխական պրոլետարիատին և Կարմիր Բանակին։ Այժմ քաղաքում դաշնակցականները զուլխը կորցրած հոգեվարժի վերջին փորձերն են անում, որպեսզի խաղաղ քաղաքացիներին զրգոեն դուրսի և բանվորության դեմ, առաջ բերելու եղբայրասպան կոիվ։ Զինվորա-հեղափոխական կոմիտեն հենվելով Հայաստանի բանվորների, գյուղացիների և զինվորների կամքի վրա, դաշնակցական կառավարության այդ պրովոկացիոն քայլերին հակադրում է այն համակրանքը, որ քաղաքացիները ցույց են տալիս դեպի նոր և երջանիկ Սովետական Հայաստանը .

Զինվորա-հեղափոխական կոմիտեն հայտարարում է, որ շուտով քաղաք պիտի մտնի Կարմիր Բանակը, ապահովելով քաղաքացիների կյանքն ու գույքը թե արտաքին և թե ներքին թշնամիներից։

Դիմադրության, թալանի, կյանքի բնական ընթացքի խանգարման ամեն մի փորձ կենթարկվի ամենախիստ պատժի Հեղափոխական Տրիբունալի կողմից։¹

Մայիսի 10-ին, օրվա երկրորդ կեսին քաղաք են մտնում՝ բանվորական գվարդիայից մի ջոկատ, հեծգնդից մի դասակ և միլիցիան, որոնք գրավում են պահեստները, փոստ-հեռագրատունը, բանկը և պետական մյուս հիմնարկները։ Զինված ուժերի մուտքը քաղաք՝ ստիպում է հակառակորդին նույն օրվա վերջին, երկաթուղային կայարան ուղարկել իր ներկայացուցիչներին՝ քաղաքը հանձնելու և Ռեզիմա-ռեզիդենտը Կոմիտեի իշխանությունն ընդունելու վերաբերյալ պաշտոնական հայտարարություն անելու համար։

Ապստամբ ուժերի ահանավոր ղեկավարներից մեկի՝ Բ. Ղարիբջանյանի գլխավորությամբ Ռեզիմա-ռեզիդենտը Կոմիտեի ներկայացուցիչները անմիջապես կնքում են քաղաքում եղած բոլոր պահեստները, կազմակերպում հսկողություն և ձեռնամուխ լինում կարգ ու կանոնի հաստատմանը։ Այսպիսով, մայիսի 10-ին առանց դիմադրության, բացի բանկի մոտ տեղի ունեցած աննշան հրացանաձողությունից, իշխանությունն Ալեքսանդրոպոլում անցնում է ապստամբների ձեռքը։

Ալեքսանդրոպոլում տեղի ունեցած քաղաքական դեպքերը, դեռևս մայիսի 10-ից էլ առաջ, իրենց անմիջական ազդեցությունն են ունենում քաղաքի մոտակա գյուղերում։ Դավթաուլուի շրջանի աշխատավորները առաջինն են արձագանքում քաղաքի բանվորների և զինվորների պայքա-

¹ ՀԿ(Ե)Գ ԿԿ-ին կից ԳԱ, ֆ. 80, գ. 9, էջ 27.

րին։ Այստեղ մայիսի 1-ից սկսած կոմունիստները ակտիվորեն միջամտում էին շրջանի պետական և հասարակական գործերին։ Երևողացիները բազմաթիվ հարցերով դիմում էին ոչ թե շրջանի ղաջակցական կոմիսարին, այլ բոլշևիկ փանյանին։ Քավթաուլու գյուղը աստիճանաբար փոխարինում է շրջանի կենտրոն հանդիսացող Նորաշենին։ Շրջանում իշխանության գրավումը օրվա հարց է դառնում։

Քավթաուլուի գյուղերում ղրությունը ռավելի է լարվում, երբ ղաջակցական ղեկավար մարմինները որոշում են շրջանում ստացված սերմացուն հտ տանել։ Դաշնակների այդ մտադրությունը աշխատավորների լայն խավերի մեջ խիստ զայրույթ է առաջացնում։ Գյուղացիները տարերայնորեն պայքար են սկսում պետական մարմինների այդ որոշման դեմ։ Տեղական կոմունիստական կազմակերպությունները, բնական է, որ չէին կարող դիտողի դերում մնալ, ուստի նրանք սկսվող պայքարին կազմակերպված բնույթ տալու համար գործնական միջոցառումների են դիմում և արգելում են սերմացուն հտ տանելու մասին ղաջակցականների որոշման կատարմանը։ Այդ նպատակով հրավիրվում է կոմունիստական կազմակերպությունների և չքավոր գյուղացիների «միացյալ խորհրդակցություն», որտեղ որոշվում է գրավել պահեստները և սերմացուն բաժանել չքավորներին։ Խորհրդակցությունը առանձնացնում է մի մարմին, որին և հանձնարարում է գլխավորել որոշման կենսագործումը։ Ընտրված մարմինը ղեկավարությունը հանձնվում է բոլշևիկ փանյանին, որը առանց հապաղելու, կարգադրում է կազմել չքավորների ցուցակները և սկսել սերմացուի բաշխումը։ Քավթաուլուի շրջանի աշխատավորների և կոմունիստների այդ ձեռնարկումը ձախողելու նպատակով ղաջակցական կուլակային տարրերը դիմում են վարչական միջոցների՝ ցանկանում են միլիցիայի միջոցով կանխել սերմացուի բաշխումը, սակայն միլիցիան հրաժարվում է կատարել այդ մասին տրվող կարգադրությունը։

Մայիսի 8-ին Քավթաուլուում կազմակերպվում է շրջանային Ռեկոմ, որի նախագահ է ընտրվում Ա. Փանյանը։ Մինչև մայիսի 10-ը Ռեկոմը կազմակերպում է իր զինված ուժերը. ստեղծվում են կարմիր ջոկատներ, որոնց օգնությամբ մայիսի 10-ից ձեռնարկվում է կոնտրոնոլացիոն տարրերի զինաթափման աշխատանքը։

Քավթաուլուի շրջանում իշխանության կազմակերպումը ղեկավարում էր իսկական ուղուցիոններ Ա. Փանյանը։ Նա աղքատ գյուղացիներին սերմացու է բաժանում։ Նա զենքի, ձիերի, տավարի, պարենի հաշվառում կատարեց և շրջանը մաքրեց հակահեղափոխական բանդաներից...»¹

Մայիսի 10-ին, վաղ առավոտյան, Հայաստանի Ռազմա-ունուցիոն կոմիտեն գրավոր դիրեկտիվ է տալիս Քավթաուլուի Ռեկոմին՝ անմիջապես գրավել իշխանությունը։ Նույն օրը շրջանում հաստատվում է Սովետական իշխանություն։

Քավթաուլուի շրջանի աշխատավորները Սովետական իշխանության հաստատման լուրը ընդունում են մեծ խանդավառությամբ։ Բազմաթիվ գյուղերում չքավորներն ինքնակամ մտնում են կարմիր ջոկատների շարքերը և կոմունիստների հետ միասին ակտիվորեն պայքարում կոնտրոնո-

¹ ՀԿ (Բ) ԿԵՂԿԻՑ ՊԱ. Ք. ԵՄ, Գ. Շ, Բ. 15—19։

լուցիայի դեմ: Մայիսի լույս 11-ի գիշերը գյուղացիների զինված ջոկատները, կոմունիստների ղեկավարությամբ, սկսում են դաշնակցական կուլակային տարրերի զինաթափման մասսայական գործը:

Մայիսյան ապստամբության մասնակիցներից Գալոյանը Փոքր Պարնի գյուղից իր հիշգույթյուններում դրում է.

«... Գիշերը սկսեցինք զինաթափումը, որը շարունակվեց մինչև հետեյալ օրը: Ձինված չքավորության հետ շրջելով գյուղում, հավաքեցինք բոլոր զենքերը...

Գյուղի ամենամեծ շենքի ծայրին բաբձրացրինք կարմիր դրոշակը, իսկ գյուղում եղած սերմացուի ֆոնդը— մոտ 400 փութ ալյուրը՝ բաժանեցինք չքավորությանը: Ձինված ապստամբներին հավաքել էինք մի տեղ և... հաճախ զինված խմբերով դուրս էինք գալիս դիմադրում գյուղի կամ շրջանի գյուղերի վրա հարձակվող դաշնակ հրոսակախմբերին»:

Պարտության կրելով քաղաքում, դաշնակները փորձում են ամրանալ գյուղում՝ այն իրենց հենարան դարձնելու և Ալեքսանդրոպոլի դեմ պայքարելու նպատակով: Մայիսի 10-ին քաղաքացիներին ուղղված Ռազմա-ոսկրուցիոն կոմիտեի կոչում ասված է.

«Դաշնակցական կառավարության ազենտները, հույսերը կտրած, քաղաքից փախչում են գյուղերը, որպեսզի մութ մթնոլորտի մեջ իրագործեն իրենց նենգ դավերը, բայց գյուղացու բռնեցքը ես կը-ծանրանա նրանց դիմին»:

Դաշնակցականները ոչ միայն գործադրում են անհատական տեղոր (նրանք մահափորձ են կատարում զենեռալ Ուշատուրովի դեմ, մայիսի 9-ին Քավթաուում սպանում են մի գյուղացու և այլն), այլև մայիսի 12-ին փորձում են զինված ուժով տիրել Կավթաուին, սակայն պարտվելով ետ են շարվում: Երջանի զինված գյուղացիությունը մեծ ռզեռու-թյամբ ոչ միայն ետ է մղում թշնամուն, այլև հետապնդում է նրան»¹

Ալեքսանդրոպոլի զավառի ռադմաթիվ գյուղերի, մասնավորապես երկրորդ զավառամասի աշխատավերները, այսպիսով, իրենց ակտիվ ապրստամբական գործով ոսկրուցիոն-քաղաքական համերաշխություն ցուցաբերեցին դեպի ապստամբ բանվորներն ու զինվորները և նրանց հետ միասին, կոմունիստական պարտիայի զխավորությամբ, անողոք պայքար մղեցին աշխատավորների ընդհանուր թշնամու դաշնակցականների անարգ տիրապետությունը տապալելու համար:

Մայիսի 10-ին հաղթական ապստամբություն է տեղի ունենում Կարսում: Դաղաքի բանվորները և կայագրի զինվորները, բռնկիկների ղեկավարությամբ, տապալում են դաշնակների իշխանությունը: Իսկ մայիսի 10-ին սովետական կարգեր են հաստատվում Սարիղամիշում: Մի կրկու օրից ապստամբության փորձ է կատարվում Կաղզվանում:

¹ Դաշնակների օրոք ալյուրը փութում էին սերմացու հացահատիկի հետ, այդ իսկ պատճառով հիշված ալյուրը կոչվում է սերմֆոնդ:

² Հիլր)Պ ԿԿ ին կից ՊԱ, ֆ. 30, գ. 5, թերթ 80—81:

³ Նույնը, գ. 9, թերթ 27:

⁴ Նույնը, գ. 5, թերթ 81:

Մայիսի 10-ին, գիշերվա ժամը 12-ին, ուղիղ հեռագրալարով, դաշնակցական կառավարության հանձնարարությամբ գեներալ Գրամագովը խոսակցություն է ունենում Մուսայելյանի հետ և աշխատում է համոզել Մուսայելյանին՝ ենթարկվել կառավարությանը։ Նա աշխատում է ահաբեկել Մուսայելյանին «թշնամիների կողմից Հայաստանին սպառնացող» վաանգով¹։

Իր պատասխանում Մուսայելյանը ասում է.

«... Կոմունիստական կուսակցության խորին համոզմունքով հայ աշխատավոր գյուղացիության և բանվորության փրկությունը ներկա մոմենտում կայանում է միայն խորհրդային իշխանություն հաստատելու մեջ։ Ես հավատում եմ, որ դաշնակցական կառավարության ժամանակ իսկապես մեր հարևանները կարշավեն Հայաստանի վրա և այն ժամանակ մենք ոչ ոքից ոչ մի օգնություն սպասել չենք կարող։ Միակ ժողովուրդը, որը կարող է մեզ փրկել, դա ռուս հեղափոխական պրոլետարիատն է։ Մեզ լավ հայտնի է, որ ռուսական խորհրդային իշխանությունը ոչ ոքի չի թողնի ֆեոսելու հայ աշխատավոր ժողովրդին, եթե այդ ժողովուրդը վճռականորեն կխզի իր կապերը դաշնակցական կառավարության հետ։

... Հայաստանի բոլոր բանվորները, Հայաստանի ամբողջ չքավոր գյուղացիությունը և զինվորները դաշնակցական կառավարության դեմ են։ Ես գովաբանությամբ եմ պահում գործի ընդվզումը, որի ոգին, դիսցիպլինան ամեն գովասանքից վեր է։

Կարմիր Բանակը իր կարմիր սպայության հետ միասին միշտ պատրաստ է իր կրծքով պաշտպանել Հայաստանի աշխատավոր ժողովրդին, երբ անհրաժեշտ լինի՝ նա համարձակ կզնա կովի, միայն խորհրդային Հայաստանի կարմիր զորոշի ներքո։ Թող չլանան շուռ տալ պատմության անիվը, թող չփորձեն կանգնեցնել դեպքերի բնական ընթացքը։ Դաշնակցական կառավարության երզը արդեն երզված է, և մենք կոչ ենք անում երկրի բոլոր կենդանի ուժերին՝ համախմբվել կարմիր զորոշների շուրջը և դուրս բերել բազմաչարչար հայ աշխատավոր ժողովրդին ողբերգական վիճակից, որ ստեղծել են դաշնակները։

... Մի քանի օրից պրոլետարական հեղափոխության կարմիր զորոշը ծածանվելու է դաշնակների մեռած պառլամենտի վրա։ Եթե իրենց ուժեղ են զդուս, թող դիմադրեն»²։

Մայիսի 10—11-ին կոնտրռևոլուցիան կրում է պարտություն, սակայն մինչև վերջը չի ջախջախվում։ Ալեքսանդրոպոլում և Կարսում հակառակորդի նկատմամբ ցուցաբերվում է մեղմ մոտեցում։ Ալեքսանդրոպոլի Ռազմա-ռևոլուցիոն կոմիտեն և պարտիական կազմակերպության ղեկավարները մոռանում են Մարքսի և Էնգելսի այն ճշմարտացի դրույթը, որ «ռևոլուցիայի, ինչպես և պատերազմի մեջ, անհրաժեշտ է միշտ եռանդուն կովել թշնամու դեմ, և առավելությունը միշտ հարձակվողի կողմն է»³։

Սովետական կարգերի հաստատումից հետո Ռեկոմը պետական հիմնարկներ գրավելուց ու մի քանի հիմնական պաշտոններում իր ներկայա-

¹ ՀԿ(ա)Գ ԿԿ ԻՆ ԿԻԾ ԳԱ, ֆ. 15, գ. 1, էջ 42—43։

² Նույնը։

³ Կ. Մարքս և Ֆ. Էնգելս — Ռևոլուցիան և կոնտրռևոլուցիան Գերմանիայում, Պաղատհրատ, Երևան, 1961 թ. էջ 99։

ցուցիչներին նշանակելուց հետո շփույցի իսկ ապստամբության նվաճումների զարգացման և սովետական կարգերի ամրացման անհրաժեշտութիւնը պահանջում էին առանց հապաղման, վճռական պայքար սկսել թշնամու դեմ իր իսկ թիկունքում՝ Ալեքսանդրոպոլում, Կարսում և շրջակա գյուղերում: Սովետական իշխանության դեմ հակառակորդի անխուսափելի ոտնձգութիւնները կանխելու համար անհրաժեշտ էր ամենայն վճռականությամբ մեկուսացնել և ջախջախել կոնսրոնոլուցիան, ձեռնարկել հին պետական ապարատի ջախջախմանը և նրա փոխարեն ստեղծել նոր սովետական ապարատ: Այս առաջնաերթ, հաղթանակն ամրացնող խնդիրներով դրադելու փոխարեն Ռեկոմը բռնեց դիջուսների և բանակցութիւնների ուղին: Քաղաքի կոմիսար Բ. Ղարիբջանյանի ղեկավարությամբ ու ցուցումով մայիսի 11-ին ձերբակալված մի քանի դաշնակ գործիչներ հաջորդ օրը Արմենկոմի ներկայացուցիչ և Ռեկոմի անդամ Ա. Մելքոնյանի կարգադրությամբ ազատ են արձակվում: Ռեկոմը նույնպիսի կարգադրութիւն է անում նաև Կարսում մեկուսացված երեք դաշնակցական գործիչների մասին: Ավելին. Ռազմա-ոստիոցիոն Կոմիտեն Կարսի Ռեկոմի միջոցով պահանջում է Կարսի կայազորի հրամանատարութիւնից և պաշտոնյաներից ընդունել Սովետական իշխանութիւնը, մնալ իրենց տեղերում և շարունակել աշխատանքը: «Բոլոր հիմնարկներին և կազմակերպութիւններին, — գրում էր Ռեկոմը իր մայիսի 10-ի հայտարարության մեջ, — շարունակել սովորական զբաղմունքը, ծառայողներին՝ մնալ իրենց տեղերում...»¹

Ռեկոմի այսօրինակ մեղմ քաղաքականութիւնը հետևանք էր նրա մի քանի անդամների սխալ, օպորտունիստական «ծի. որոնք հնարավոր էին համարում անարյուն ապստամբութիւն կատարել և իշխանութիւնը նվաճել: Այս բոլորի հետևանքը լինում է այն, որ դաշնակցականները, թողնելով իշխանութիւնը, իրենց ուժերը անմիապ դուրս են բերում մարտադաշտից և մի մասը անցնում է ընդհատակյա աշխատանքի, մի մասը օգրվում գյուղերը, իսկ փոքր մասն էլ, հատկապես դինվորական ոեակցիոն սպայութիւնը, «հավատարմութիւն» է հայտնում Սովետական իշխանությանը՝ որսկեսդի ապստամբության դեմ պայքարելու հնարավորութիւն ունենալ: Այսպիսով՝ օգտվելով իր նկատմամբ կիրառվող մեղմ քաղաքականութիւնից՝ թշնամին սկսում է կովի պատրաստվել ապստամբ ժողովրդի դեմ: Նա խմբեր է կազմում և Ղարաքիլիսա տանող երկաթուղադիժը՝ փակում, հաղորդակցության մեջ մտնում կառավարության հետ և զորք պահանջում Սովետական իշխանության դեմ պայքարելու համար:

Այսպիսով, իշխանութիւնը կորցնելու առաջին իսկ օրից հակառակորդը անցնում է ընդհատակյա ակտիվ պայքարի: Նրան հաջողվում է իր ներկայացուցիչն ունենալ նորաստեղծ կարմիր բանակի ղեկավար պոստում (շտաբի պետ է նշանակվում նախկին երկրորդ հեծյալ գնդի հրամանատար, սպիտակգլարդիական գնդապետ Կորզանովը), որը Սովետական իշխանությանը ծառայելու պատրաստակամութիւն է հայտնում, սակայն, ինչպես պարզվում է, քայքայիչ աշխատանք է կատարում զինված ուժերի ներսում:

Ռազմա-ոստիոցիոն Կոմիտեն և Ալեքսանդրոպոլի պարտիական կազմակերպության ղեկավարները վճռական միջոցառումների չեն դիմում իրենց

¹ ՄՍԽ ԴԱ Պատմության ինստիտուտի արխիվ, գ. 102, էջ 170:

ուժերը դասավորելու համար, չեն ամրացնում իրենց թիկունքը, ռազմական ակտիվ գործողություններ չեն ծավալում թշնամու դեմ: Մինչդեռ հակառակորդին հարձակվան նախաձեռնությունից զրկելու, նրան ջախջախելու և ամբողջ երկրում սովետական կարգեր հաստատելու անհրաժեշտությունը թելադրում էր ոչ միայն զբաղվել Ալեքսանդրոպոլի, Կարսի և Սարիղամիշի շրջաններում հաստատված նոր իշխանությունը ամրացնելու հարցով, այլև հարձակում սկսել Ալեքսանդրոպոլ—Երևան, Ալեքսանդրոպոլ—Ղարաքիլիսա երկաթուղու ուղղությամբ: Դրանով իսկ ապստամբներին կհաջողվեր հսկողության տակ վերցնել երկաթուղին, օգնել Ղարաքիլիսայի, Դիլիջանի ու Նոր-Բայազետի ապստամբություններին, միանալով նրանց, կապ հաստատել Սովետական Ադրբեջանի և ռուսական Կարմիր Բանակի հետ ու այնուհետև աքցանի մեջ վերցնել Երևանը:

Ռազմա-ուժերի ու զորքերի չկատարեց ոչ առաջինը և ոչ էլ երկրորդը: Ռեկոմի անդամներից ոմանք, մանավանդ Արմենկոմի ներկայացուցիչները, կոզմակից էին, անհրաժեշտության դեպքում դիմել պաշտպանողական կռվի: Այդ տեսակետը պաշտպանում էր շտաբի պետ դավաճան Կորդանովը, որի հիմնական նպատակն էր կանխել կամ ձգձգել ապստամբների հարձակումը, հնարավորություն ստեղծել, որ զաչնակները կազմակերպվեն և արշավ սկսեն ապստամբների դեմ, իսկ այդ նշանակում էր մարտական գործողությունների նախաձեռնությունը տալ հակառակորդին:

Եվ այսպես, Ալեքսանդրոպոլի, Կարսի և Սարիղամիշի ապստամբների վերին աստիճանի խանդավառ բարձր տրամադրությունը և Սովետական իշխանության համար կռվելու նրանց վճռականությունը Ռեկոմի կողմից չօգտագործվեց հարձակողական ակտիվ գործողություններ սկսելու համար:

Պաշտպանողական տակտիկայի հետևանքով ուժերի ու զորքերը մատնվում են անդորոթյան: Դրանից օգտվում է հակառակորդը և մի քանի ռեակցիոն սպաների միջոցով քայքայիչ աշխատանք սկսում զորամասերում:

Իաշնակցականները և ամբողջ կոնտրուկուցիան՝ լցված կատաղի ատելությամբ դեպի ապստամբ ժողովուրդը և ստեղծված Սովետական իշխանությունը, որոշում են արյան մեջ խեղդել ապստամբությունը: Նրանք դիմում են արտակարգ միջոցների: Հավատ չընծայելով կադրային զորամասերին, դիմում են կամավորական-մաուզերիստական հատուկ պատժիչ ջոկատի ստեղծմանը, որի ղեկավարությունը հանձնում են ժողովրդի դահիճ Սեպուհին, տալով նրան արտակարգ իրավունքներ:

Մայիսի 9-ին հրաման է տրվում Ց-րդ զնդից հինգ վաշտ ղինվոր կենտրոնացնել Մարգարա գյուղում (Ց-րդ գունդը կանգնած էր Սուրբալում): Խմրապետ Սեպուհը այդ վաշտի ղինվորը ընտրում է միայն երեք հարյուր հոգի՝ որպես հետևակ, վաթսուներեք ղինվոր և նրանց միացնում է իր մաուզերիստներին: Հիշված ուժերով նա շարժվում է Ալեքսանդրոպոլի վրա: Ջոկատի ղինվորները, բացի մաուզերիստներից, պատրաստ էին առաջին իսկ հարմար մոմենտին անցնել ապստամբների կողմը: Ջոկատի սպաները պատմում են, որ մինչև ապստամբների հետ հանդիպում ունենալը, դեռևս ճանապարհից 160 մարդ իրենց ղեկներով դասալքում են, չցանկանալով մասնակցել քաղաքացիական կռվին: Ջրահապատի երևալը մարտից հրաժարվելու որոշակի տրամադրություն է ստեղծում ջոկատում: Հրետա-

նույն դժվարութեամբ են ստիպում կրակել զրահապատի վրա և արկերը ակնհայտորեն թռչում անցնում են կամ չեն հասնում: Սպաները վհուտվում են, զդում, որ զինվորները իրենց չեն լսում: «Մոմենտ էր լինում ջոկատում, երբ զինվորական մասսան պատրաստ էր մառազներխուսելին պատահապատճառ անելու»¹

Ահա այս էր գաշակների կողմից Ալեքսանդրոպոլի ապստամբ բանվորների և զինվորների դեմ քշվող զինվորների տրամադրությունը: Այս խոստովանությունը ապացուցում է, որ ըթե ապստամբ ուժերը ռազմական ակտիվ գործողությունների մեջ զրկվին, թշնամու վրա ճնշում գործադրեին, Անպուհի ջոկատը ամբողջովին կճախճախվեր: Մինչդեռ դուրս է բերվում միմիայն զրահապատի մի մասը, որը հանդիպում է թշնամուն Անի—Ադին կայարանների միջև ընկած շրջանում: Նույնիսկ այդ մասն էլ վճռական գործողությունների չի դիմում: «Կառավարական գործի մեջ,—ասված է վերը հիշված փաստաթղթում,—քաջություն է առաջ դալիս, շնորհիվ զրահապատի անվճռական կերպով ետ ու առաջ շարժվելուն»²

Սեպուհի ջոկատի սպաները այն կարծիքին են եղել, որ կարմիրների վճռականության դեպքում գործը պատրաստ էր միանալու նրանց:

Սեպուհի պատժիչ ջոկատի կազմում դտնվող «ընտրված» զինվորների այդ տրամադրությունները պատահական չէին, այլ հետևանք էին մինչ այդ նրանց մեջ կատարված ռևոլուցիոն աշխատանքի:

Ռազմա-ռևոլուցիոն Կոմիտեի և Ալեքսանդրոպոլի կազմակերպության ղեկավարների ռազմական ակտիվ գործողությունների հարցում վճռականություն չցուցաբերելը ոմանք բացատրում են նրանով, որ դիմադրելու համար ապստամբները բավարար քանակով ուժ չունեին, որ «պարենավորման բացակայությունը» խեղդեց ապստամբությունը և այլն: Այդ ճիշտ չէ: Ապստամբները իրենց քաղաքական-բարոյական վիճակով և թվական գերակշռությամբ կարող էին ոչ միայն կանգնեցնել Սեպուհի ջոկատը և յախջախել այն, այլև հարձակման անցնել: Պարենի բացակայությունը կամ նրա սուր կարիքը նախքան ապստամբությունն էլ դրություն ուներ, սակայն այդ պայմաններում գործը և բանվորությունը մեծադույն խանդավառությամբ և վճռականությամբ Խիսանությունը վերցրին իրենց ձեռքը: Գայթարի ևլքը ապստամբության հաղթանակից հետո որոշվում էր նրանով, թե թր կողմը նախաձեռնություն ու հարձակողական ձեռներեցություն կցուցաբերի, որ կողմը որ համարձակությամբ ու վճռականությամբ կգործեր, հաղթանակն էլ նրա կողմը կլիներ: Վճռական մոմենտին վճռական ճակատամարտից խուսափելը մահ էր ապստամբության համար: «Ռևոլուցիայի, ինչպես և պատերազմի մեջ, անպայման անհրաժեշտ է վճռական վայրկյանին ամեն ինչ բախտախաղի դնել,—գրում է Մարքսը,—ինչպես էլ լինեին շանսերը: Չկա պատմության մեջ հաջողությամբ պսակված ռևոլուցիա, որ չըհավաստեր այդ ճշմարտությունների ճշտությունը»³

¹ ՀԳԽԿ ԿԿ-ին ԿԻց ՊԱ, ֆ. 30, գ. 6, էջ 7—9.

² Նույն աեղում:

³ Նույն աեղում:

⁴ Կ. Մարքս և Ֆ. էնգելս—«Ռևոլուցիան և կոնարոնրուցիան Գերմանիայում», էջ 101.

Մայիսի 12-ին Ռեկոմը մշակում է մի պլան, որի համաձայն ռազմական ակտիվ գործողություններ պետք է սկսվեն Ղարաքիլիսայի ուղղությամբ: Պիտի ապստամբվել Դիլիջանը և միանար Նոր-Բայազետին: Ապա համագործակցելով Գարսի և Սարիղամիշի ապստամբների հետ, երկու ուղղություններով հարձակում պետք է սկսվեր Երևանի դեմ: Բայց մայիսի 13-ին Ռեկոմը հրաժարվում է այդ պլանից և որոշում ամբանալ Ալեքսանդրոպոլի շրջակայքում, գործողություններ սկսել Սեպուհի դեմ՝ Բայանդուր գյուղի ուղղությամբ:

Մինչև մայիսի 12-ը ապստամբ զորքի մեջ տիրում էր մարտական բարձր տրամադրություն, զինվորները պահանջում էին հարձակվել և զրգոհություն էին հայտնում Ռեկոմի դանդաղկոտության առթիվ: Իսկ շտաբի պետի կասկածելի ու հանցավոր հրամանները, ուժերի դանդաղ մարտական դասավորումը առաջացրել էին անվստահություն: Ռազմա-ոևոլուցիոն Կոմիտեի դանդաղկոտությունն ու անվճռականությունը զժգոհություն էր առաջացրել ամենից առաջ պարտիական կազմակերպության ներսում և երկաթուղայինների շրջանում. այդ զժգոհությունն ավելի է ուժեղանում, երբ շտաբի պետ Կորզանովի բացահայտ ու դավաճանական կարողությունները ավելի պարզորոշ են դառնում:

Մայիսի 13-ին Օրթաքիլիսա գյուղի մոտերքում ապստամբների մի վաշտ հանդիպում է թշնամուն, որը ջախջախվում ու ետ է շարտվում: Ապստամբները գրավում են երկաթուղային կայարանը, բայց Կորզանովը Մուսայելյանի անունից կարողադրություն է անում վաշտին՝ թողնել զրաված վայրը և վերադառնալ Ալեքսանդրոպոլ: Պարզվում է, որ Մուսայելյանը նման կարգադրություն չէր արել: Կորզանովի թշնամական այսօրինակ կարգադրությունները նպատակ ունեին կաշկանդել ապստամբների գործողությունները, ժամանակ շահել, որպեսզի թշնամու համար նպաստավոր պայմաններ ստեղծվեն քաղաքը օղակելու համար: Կորզանովին վստահելի անձնավորությամբ փոխարինելու պահանջը ավելի սուր կերպով դրվում է մայիսի 13-ին, բայց արդեն ուշ էր: Վաղ առավոտյան թշնամին մտնում է Ալեքսանդրոպոլ:

Ալեքսանդրոպոլի բանվորների, զինվորների և մյուս աշխատավորների ապստամբության պարտությունը պատճառ դարձավ նաև Քավթառուի շրջանի, Կարսի և Սարիղամիշի ապստամբությունների պարտությանը:

Հայ ժողովրդի անարգ թշնամի դաշնակները աշխատավորների դահիճ Սեպուհի և նրա մառգերիստների միջոցով դաժանորեն ճնշում են ապրստամբությունը: Լցված կատաղի ատելությամբ դեպի ոևոլուցիոն բանվորները, զինվորները և գյուղացիները, նրանք բանտ են նետում հարյուրավոր աշխատավորների, ժողովրդի աղատության համար մարտնչող ոևոլուցիոնների, նրանցից շատերը ղնդակահարվում են, իսկ ղեկավարները արտակարգ դատարաններով մահվան դատապարտվում: Հերոսի մահով ընկնում են հայ ժողովրդի աղատության, պետականության և ազգային վերածննդի համար պայքարող Ի. Լարիբջանյանը, Ս. Մուսայելյանը, Ղ. Լուկասյանը, Ա. Փանյանը, Ա. Ղուղուրյանը և շատ ուրիշները:

Մայիսյան ապստամբությունը պարտվեց, բայց հայ ժողովրդի պայքարը ընդդեմ դաշնակների հակաժողովրդական տիրապետության երբեք

չղաղարեց և 1920 թվի նոյեմբերի վերջերին, ոռւս մեծ ժողովրդի օգնութեամբ, հերոսական 11-րդ բանակի օժանդակութեամբ նա վերջնականապես ազատութուն նվաճեց և երկրում հաստատեց Սովետական իշխանութուն, որը միանգամ ընդմիջա փրկեց հայ ժողովրդին, նրան տալով ազատ բազմամյա և աղղային վերածննդի լայն հնարավորութուն: